



Na osnovu člana 22 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta BiH, broj 2/10), člana 51 Okvirnog zakona o predškolskom odgoju i obrazovanju (Službeni glasnik Brčko distrikta BiH, broj 88/07), Skupština Brčko distrikta Bosne i Hercegovine, na 24. redovnoj sjednici održanoj 11. maja 2022. godine, usvaja

ZAKON
O IZMJENAMA I DOPUNAMA ZAKONA O PREDŠKOLSKOM ODGOJU I
OBRAZOVANJU U BRČKO DISTRIKTU BOSNE I HERCEGOVINE

Član 1

U Zakonu o predškolskom odgoju i obrazovanju u Brčko distriktu Bosne i Hercegovine (Službeni glasnik Brčko distrikta BiH, brojevi: 13/07, 19/07, 39/08, 21/10, 48/16, 22/17, 24/20 i 13/21), riječi: „školska godina“ u različitim padežima kroz cijeli tekst Zakona zamjenjuju se riječima: „pedagoška godina“ u odgovarajućim padežima.

Član 2

U članu 7 stavu 5 iza broja: „(3)“ dodaju se riječi: „i (4)“.

Član 3

U članu 10 stav 3 mijenja se i glasi:

„(3) Pedagoške standarde i normative donosi Vlada, na prijedlog Pedagoške institucije.“

Član 4

U članu 14 stavu 2 iza tačke h) dodaje se nova tačka i) koja glasi:
„rad Stručnog vijeća, Vijeća roditelja i Stručnog aktiva odgajatelja.“

Član 5

Naziv člana 26 mijenja se i glasi: „(Pedagoška evidencija i dokumentacija)“.
Stav 2 ovog člana mijenja se i glasi: „(2) Sadržaj i način vođenja pedagoške evidencije i dokumentacije predškolske ustanove utvrđuje se podzakonskim aktom koji donosi šef Odjeljenja za obrazovanje na prijedlog Pedagoške institucije.“

Član 6

U članu 38 stavu 5 iz riječi: „vrijeme u trajanju od četiri godine“ zamjenjuju se riječima riječi: „do povratka direktora“.

Član 7

U članu 40 iza stava 1 dodaje se novi stav 2 koji glasi:

„(2) Pomoćnik direktora predškolske ustanove obavlja sljedeće poslove:

- a) pomaže u rukovođenju radom predškolske ustanove;
- b) odgovoran je za zakonitost rada predškolske ustanove u skladu s povjerenim ovlaštenjima;
- c) prati realizaciju ostvarenja plana i programa rada predškolske ustanove;
- d) pomaže direktoru u izradi izvještaja Upravnom odboru o radu i rezultatima rada;

- e) pomaže direktoru u izradi informacije za Upravni odbor;
- f) učestvuje kao član komisije za javne nabavke u svim fazama nabavke;
- g) obavlja i druge poslove u skladu sa zakonom i pravilima predškolske ustanove, kao i poslove po nalogu direktora predškolske ustanove.

Član 8

U članu 50 stavu 1 riječi: „Nadzor nad stručnim radom predškolske ustanove (u daljnjem tekstu: stručni nadzor) obuhvata“ zamjenjuju se riječima: „Stručno pedagoški nadzor nad radom predškolske ustanove (u daljnjem tekstu: stručni nadzor) obuhvata:“

U stavu 1 tački d) riječi: „i direktora predškolske ustanove“ brišu se.

Član 9

Ovaj zakon stupa na snagu osmog dana od dana objavljivanja u Službenom glasniku Brčko distrikta BiH.

Broj: 01-02-2111/22
Brčko, 11. 05. 2022. godine

PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić